

## Werk

**Titel:** D. Jo. Frid. Blumenbachii Institutiones Physiologicae.

**Autor:** Blumenbach, Johann Friedrich

**Verlag:** Dieterich

**Ort:** Gottingae

**Jahr:** 1821

**Kollektion:** Blumenbachiana

**Digitalisiert:** Niedersächsische Staats- und Universitätsbibliothek Göttingen

**Werk Id:** PPN659038048

**PURL:** <http://resolver.sub.uni-goettingen.de/purl?PPN659038048>

**OPAC:** <http://opac.sub.uni-goettingen.de/DB=1/PPN?PPN=659038048>

**LOG Id:** LOG\_0044

**LOG Titel:** Sectio XXXVIII. De Menstruis

**LOG Typ:** chapter

## Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

## Contact

Niedersächsische Staats- und Universitätsbibliothek Göttingen  
Georg-August-Universität Göttingen  
Platz der Göttinger Sieben 1  
37073 Göttingen  
Germany  
Email: [gdz@sub.uni-goettingen.de](mailto:gdz@sub.uni-goettingen.de)

S E C T I O   X X X V I I I .

DE

M E N S T R U I S .

§. 553.

Frequentissima et gravis uteri functio est ut per triginta circ. annos menstruum tributum solvat \*), quam legem nulli alii animantium generi \*\*) imposuit natura,

---

\* ) cf. post tot alios F. C. NÄGELE *Erfahrungen über Krankh. des weibl. Geschlechts.* Mannheim. 1812. 8. pag. 265.

\*\*) Valgo quidem scriptores historiae naturalis, et inter eos BUFFONIUS nonnullis praeter humanum genus aliis animantibus mammalibus (praesertim ex simiarum ordine) periodicum huiusmodi fluxum tribuunt. Postquam autem plures simias seminas ipsarum earundem specierum de quibus id memoriae proditum est, (v. c. *simiam sylvanum*, *cynomolgum*, *papioneum maimon* etc.) per plures continuos annos coram observandi occasione usus sum, facile perspexi putatitia illa catamenia aliis plane nulla esse, in aliis, et quidem eiusdem cum ipsis speciei, ad parcam sed vagam et

cum, ut Plinii verbis utar, solum animal menstruale mulier sit: nullam vero hactenus notarum gentium \*) ab eadem exemit, cum in universum ad necessaria pertineat requisita quibus ad generis sui propagationem aptus fiat sequior sexus.

---

*omni periodico ordine plane desitutam haemorrhagiam uteri redire.*

\*) Pervulgata quondam sed fabulosa fama de integris gentibus, Americanis maxime, catameniorum fluxu desitutis hodienum vix adhuc refutatione eget. Ortum vero exinde duxisse videtur, quod Europaei istas regiones inviscentes etiam si innumeras, tantum non plane nudas sequioris sexus incolas viderint, nunquam tamen menstruae purgationis inquinamenta in ipsis observaverint; cuius rei duplarem fuisse causam probabile est; partim nempe quod apud istas Americae gentes feminae quamdiu menstruatae sunt, felici praeiudicio pro venenatis quasi habeantur et a sociali consortio arceantur, inque solitariis tuguriolis e hominum conspectu remotae tamdiu benefico ipsis otio fruantur. — Partim vero etiam laudatam ipsarum corporis munditiem et modestiam crurum positaram eo conferre, ut nulla catameniorum vestigia in oculos incurvant, expresse monitem lego ADR. VAN BERKEL in *Reisen nach Rio de Berbice und Surinam* pag. 46.

## §. 554.

Auspicia vero huius functionis nostro sub coelo plerumque incident in annum aetatis decimum quintum, praecedentibus ut plurimum plethoricis symptomatis, congestione versus pectus, tensionis sensu lumbari in regione, crurum lassitudine etc. Et quidem prima ea vice ex genitalibus ab initio prodire solet humor rubellus, quem sensim intensius rubens sanguinolentus latex sequitur, denique in purpureum cruorem abiens: qui tamen tum odore quem spirat specifico, tum iniqua coagulationis ratione, aliquisque modis a reliquo sanguine differt, qui per aliquot dies lente manare pergit; cessantibus interim quae modo diximus incommodis.

## §. 555.

Cruentum vero illud profluvium ab eo inde tempore elapsis quibusvis quatuor septimanis denuo redire, tuncque plus minus sex circ. diebus continuare

solet, quo quidem temporis spatio in  
vegeta femina quinae praeter propter  
unciae sanguinis ad dimidiam usque  
libram excerni creduntur.

§. 556.

*Intermittitur vero haec actio plerumque quamdiu mulieres aut gravidae sunt, aut lactantes.*

Plane *cessat* autem universa functio, postquam 30 circ. annis viguit, quod itaque nostro sub climate circa quadragesimum quintum aetatis annum contingere solet \*).

§. 557.

*Fontes* catameniorum ab aliis ad vaginae vasa ab aliis et quidem verosimilius ad uterina relati sunt; quae enim in contrariam sententiam proferuntur exempla mulierum, quibus etsi gravidae

---

\* ) H. HELM. SPITTA *Commentatio praemio Regio ornata, sistens mutationes in organismo et oeconomia feminarum cessante fluxus menstrui periodo.* Gotting. 1818. 4.

aut utero atretae fuerint aut uteri inversi prolapso laborarint, tamen menstrua fluxerint, nil aliud tamen probant, quam egregia naturae medicatrixis conamina, quae via praeclusa regia, insolitis viis feliciter uti novit. Sunt autem ab altera parte numerosa extispicia feminarum, quae menstruatae diem suum obierant quarumque cavum uterinum catamenia plorasse monstrabat \*); ut argumenta a priori quod dicunt desumpta taceam, quibus ipsum mensium *finem* eo redire probabile fit, ut uterus menstrua tali haemorrhagia ad futuram graviditatem præparetur et nutriendo foetui aptior redatur \*\*). Iisdemque quoque rationibus hic fluxus arteriosis potius uteri vasculis quam venis tribuendus videtur \*\*\*).

\* ) cf. v. c. MORGAGNI *adv. anat.* I. tab. III. M. M. M.

\*\*) L. H. CHR. NIEMEYER *de menstruationis fine et usu.* Gott. 1796. 8.

\*\*\*) Venis contra illud profluviū vindicare studet Jo. FR. OSIANDER *diss. de fluxu menstruacione uteri prolapso.* Goett. 1808. 4. pag. 14.

## §. 558.

Quod vero *caussas* periodicae huius et perennis haemorrhagiae attinet, tantis earum indago adhuc premitur difficultibus, ut et heic non nisi probabilia sequi nec ultra id quam quod verisimile occurrerit, progredi liceat \*).

Proximam ergo *topicae* \*\*) cuidam congestioni plethoricae tribuunt, cui

\* ) Adeant quorum interest, post alios ABR. D'ORVILLE (praef. HALLEBO) *causae menstrui fluxus disquisitionem*. Gotting. 1748. 4.

GISB. VERZ. MUILMAN *an ex celebrata hactenus opinione de plethora universalis vel particuliari vera fluxus menstrui caussa explicari possit?* LB. 1772. 4.

THEOD. TRAUG. JAEHKEL (praef. KRAUSE) *aetiologya fluxus menstrui.* Lips. 1784. 4.

\*\*) *Universalis nescio quis plethoricus orgasmus,* quem quondam pro causa menstrui tributi venditare solebant, pridem a viris melius physiologice doctis refutatus est. Addere licet argumentis eorum memorabile exemplum celebrium ferorum Hungaricarum monstruosa fabrica coalitarum, alias iam mihi dictarum [pag. 63. not. \*\*\*]), quae, et si unus idemque sanguis utrisque ob truncos vasorum abdominalium ad lumbos invicem confluentes, com-

472 SECTIO XXXVIII. DE MENSTRUIS.

sane symptomata imminentium menstruum aequa copia et natura vasorum uterinorum respondent.

Remotioribus vero tum situm erectum, (principem istum, qui humanum genus a reliquis animantibus destinguit characterem;) tum et singulare uteri parenchyma, vitamque eius propriam annumerare licebit.

Circa periodici autem eius decursus rationem ignorantiam fateri quam vanis hypothesis inhiare praestabit: cum hactenus omnia ea periodica phaenomena tam sane quam aegroto animanti contingentia, *quorum termini ultra nycthemerum prorogantur*, ad naturae animalis mysteria referenda videantur.

---

munis esset, nihilominus tamen saepe tum tempore tum quantitate menstruationis differabant.